

## Útkomið í A-deild Stjórnartíðindanna 1944.

*Lög um nýbyggingarráð*, undirskrifuð af forsetanum 27. nóvember 1944, nr. 62.  
*Lög um breyting á Ljósæðralögum nr. 17 19. júní 1933*, undirskrifuð af forsetanum 1. desember 1944, nr. 63.

*Lög um heilsuverndarstöðvar*, undirskrifuð af forsetanum sama dag, nr. 64.  
*Lög um breyting á lögum nr. 99 16. des. 1943, um ábyrgð rikissjóðs á tjóni, sem hlýzt af veru herliðs Bandaríkjna Norður-Ameríku hér á landi*, undirskrifuð af forsetanum sama dag, nr. 65.

### **Bréf dómsmálaráðuneytisins til sýslumannsins í Húnavatnssýslu, um flutning þingstaðar í Þorkelshólshreppi.** 106 16. sept.

Samkvæmt tillögum yðar, herra sýslumaður, í bréfi, dags. 9. þ. m., og ósk hreppsnefndar Þorkelshólshrepps, veitir ráðuneytið hér með samþykki sitt til þess að þingstaður hreppsins verði fluttur frá Þorkelshóli að Víðihlíð í landi jarðarinnar Auðunnarstaðir, enda annist hreppsnefndin um að jafnan verði til á hinum nýja þingstað hæfilegt hús til þinghaldanna.

Þetta tilkynnist yður hér með til frekari birtingar.

### **Bréf félagsmálaráðuneytisins til sýslumannsins í Þingeyjarsýslu, um skiptingu Presthólahrepps í tvö hreppsfélög.** 107 18. sept.

Samkvæmt beiðni hreppsnefndar Presthólahrepps og meðmælum sýslunefndar Norður-Þingeyjarsýslu, um skiptingu Presthólahrepps í tvö hreppsfélög, vill ráðuneytið hér með samkvæmt sveitarstjórnarlögum nr. 12 31. maí 1927, skipa svo fyrir sem hér segir:

1. Presthólahreppi í Norður-Þingeyjarsýslu skal skipt í tvö sveitarfélög er nefnast Presthólahreppur og Raufarhafnarhreppur.

Raufarhafnarhreppur nær yfir þorpið Raufarhöfn og skulu takmörkin vera landamerki jarðarinnar Raufarhöfn.

2. Eignum og skuldum Presthólahrepps skal skipt þannig að 50% falli til hvors hinna nýju hreppa. Sama gildir og um ábyrgðir, er hvila á Presthólahreppi.
3. Framfærsla allra núverandi styrkþega sé sameiginleg og einnig þeirra, sem kunna að verða úrskurðaðir á hinn forna Presthólahrepp. Hreppsnefnd hvors hrepps annist um ráðstöfun og greiðslu vegna sameiginlegra styrkþega, sem heima eiga innan hvors hrepps fyrir sig. Af heildarkostnaði við sameiginlega styrkþega greiði hvor hreppur eftir sama hlutfalli og við skiptingu eigna og skulda. Um hver áramót skulu hreppsnefndir beggja hreppanna leggja fram reikninga yfir kostnað vegna sameiginlegra styrkþega.

Sá hreppanna, sem ekki hefur greitt til sameiginlegra styrkþega hlutfallslega upphæð sína af sameiginlegum framfærslukostnaði skal þá greiða hinum hreppnum það, sem til vantar í hlutfallslega þátttöku í sameiginlegum fram-

107  
18. sept.

færslukostnaði, sem er fyrir Presthólahrepp 50% og fyrir Raufarhafnarhrepp 50%.

Framlög hreppanna til elli- og örorkutrygginga móti framlagi annars staðar frá, sem ganga til sameiginlegra styrkþega, reiknast með kostnaði viðkomandi hreppa vegna kostnaðar við framfærslu sameiginlegra styrkþega.

4. Um skiptingu eigna fer sem hér segir:
  - a. Núpasveitarskóli verði eign Presthólahrepps, en Raufarhafnarskóli sameign beggja hreppanna í sama hlutfalli og tala skólaskyldra barna um áramót 1944—45 í Raufarhafnarskólalshverfi skiptist milli hinna nýju hreppa. Verðreikning skólalshúsanna skal miða við framlög hins forna Presthólahrepps til hvors skólalshúss. Verði breyting á Raufarhafnarskólalshverfi, þannig að sá hluti Presthólahrepps, sem nú á aðgang að þeim skóla hætti að nota hann, greiði Raufarhafnarhreppur Presthólahreppi sömu upphæð og hluti Presthólahrepps í Raufarhafnarskóla er verðreiknaður við skiptin.
  - b. Húseign hreppsins, Skuggabjörg á Raufarhöfn, skal Raufarhafnarhreppur hafa rétt til að kaupa eftir nýju mati, sömuleiðis túneign hreppsins á Raufarhöfn.
  - c. Hafnarsjóður Raufarhafnar verði séreign Raufarhafnarhrepps.
  - d. Brunabótasjóður Presthólahrepps verði eign hins nýja Presthólahrepps, nema að þeim hluta, sem hús á Raufarhöfn voru tryggð í þeim sjóði.
5. Hreppsnefndarmenn skulu vera 5 í hvorum hreppi.
6. Aðskilnað hreppanna skal miða við 1. janúar 1945, og skulu hreppsnefndir hinna nýju hreppa framkvæma skiptingu á eignum, skuldum, skuldbindingum og sveitarþyngslum.
7. Bækur þær, sem hreppsfélagið á nú, skulu vera eign hins nýja Presthólahrepps, en hreppsnefnd Raufarhafnarhrepps skal hafa aðgang að þeim þegar hún þarfnast.

Þetta tilkynnist yður hér með, herra sýslumaður, til frekari aðgerðar og birtingar, að því viðbættu, að með framangreindri fyrirskipun er engin breyting gerð á hinum forna Presthólahreppi, sem dómpinghá né manntalsþinghá.

108  
10. júlí

## REGLUR

### um flokkun og mat á óþveginni ull.

#### 1. gr.

Ull, sem hæf er til sölu innanlands, flokkist þannig:

- I. flokkur: Hvít vorull, sand-, mor- og klepralaus, laus við mjög gult tog, greið, þurr og eðlisgóð.
- II. flokkur: Hvít vorull, sand-, mor- og klepralítil, sem að gæðum má ætla, að fullnægi kröfum um II. flokk eftir þvott.
- III. flokkur: Hvítir sand- og morlitlir og þelgóðir flókar.
- IV. flokkur: Mislit ull (svört, grá og mórauð), sand- og morlaus, greið, þurr og eðlisgóð, og sé litum haldið aðgreindum við sekkjun.
- V. flokkur: Úrgangur úr framangreindum ullarflokkum, sem að dómi ullarmatsmanns getur talizt söluhæf vara.

#### 2. gr.

Mjög sendin ull (t. d. þyngd sandsins meiri en ullarinnar) er ekki söluhæf, fyrr en hún hefur farið í gegnum tætarar og þannig losnað við mikið af sandinum.